

Formannafundur ÍBA 4.júní 2013.

Haldinn í Íþróttahöllinni á Akureyri, þriðjudaginn 4.júní 2013 kl. 18.00



Mættir:

Stjórn ÍBA: Haukur Valtýsson, Margrét Ólafsdóttir, Ármann Ketilsson og Hörður Sigurharðarson. **Pröstur** Guðjónsson, Áslaug Kristjánsdóttir og Magnús Gauti Gautason boðuðu forföll.

ÍBA: Þóra Leifsdóttir

KA: Hrefna G. Torfadóttir,

Eik: Haukur Þorsteinsson

Akur: Jósep Sigurjónsson

Þór: Árni Óðinsson, Eiður Arnar Pálmason

Nökkvi: Rúnar Þór Björnsson

SA: Sigurður Sigurðsson

KKA: Þorsteinn Hjaltason

Óðinn: Heiðar Ólason

Léttir: Andrea Þorvaldsdóttir

FIMAK: Guðrún Vaka, Agla Egilsson, Rut Jónsdóttir

KFA: Grétar Skúli Gunnarsson, Þorsteinn Hjaltason

UFA: Gunnar Gíslason

SKA: Guðjón Marteinnsson

Draupnir: Hans Rúnar Snorrason, Stefán Bjarnason

Gestir fundarins: Stefán B. Birgisson og María Stefánsdóttir frá SB sport.

Haukur Valtýsson varaformaður ÍBA setti fundinn og bauð gesti velkomna og kynnti dagskrána.

1. Tryggingamál iðkenda íþróttá

Þorsteinn Hjaltason lögfræðingur hélt erindi um tryggingar og bætur er slys verða við íþróttaiðkun. Hér á eftir fer úrdráttur úr erindinu.

Þorsteinn fór yfir opinberan rétt til bóta við slys, skýrði muninn á skaðabótum og váttryggingabótum, sem hann sagði ekki mætti rugla saman.

Skaðabætur. Allt fæst bætt en sönnunarbyrði og metið út frá sök tjónvaldans en sök tjónþolans hefur einnig áhrif. Hann nefndi nokkur dómsmál þar sem dómur féll á báða vegu í bótaskyldu.

Sagði grunnatriði við mat á slysi að utanaðkomandi atburður valdi slysinu.

Váttryggingabætur. Þar fer bótaréttur eftir skilmálum trygginga. Staðlað mat og hlutfall fyrirfram ákveðið og rauntjón ekki bætt.

Algengasta slysatryggingin gildir bara yfir áhugaiðkendur, ekki ef viðkomandi æfir fyrir keppni.

Slysatrygging launþega undanskilur líka æfingar undir keppni, nema atvinnumanna en hægt er að taka sérstaka slysatryggingu. Þorstein benti á að akstursíþróttamenn eru t.d. mjög vel tryggðir.

Slysatryggingar íþróttafélaga –félög eru ekki skyldug til að tryggja iðkendur.

Slysatrygging skólabarna – hóptrygging sem t.d. Akureyrarbær er með hjá Sjóvá en gildir ekki fyrir iðkendur íþróttá. Möguleikar á tryggingum eru mismunandi en engin heildarstefna er til í hreyfingunni.

Íþróttatryggingar í slysatryggingarkafla laga um almannatryggingar (27.gr. og 29.gr) eiga bara við um 16 ára og eldri og fást aðeins bætur ef lengur frá en 10 daga. Íþróttaslysasjóður ÍSÍ var stofnaður á sínum tíma til að brúa bilið.

Þorsteinn svaraði fyrirspurnum og kom fram í umræðunum að ef krakkar eru að æfa til keppni þá eru þau ótryggð ef ekki koma til sérstakar tryggingar. Að lokum sagði Þorsteinn glæurnar verða settar á vef ÍBA þannig að upplýsingarnar gætu nýst ef spurningar vöknuðu síðar. Þorsteini var þakkað fyrir fróðlegt erindi sem vakti fundarmenn til umhugsunar um stöðuna í tryggingarmálum iðkenda íþrótta.

3. Sigurður S. Sigurðsson um stefnumótunar- og hugmyndafund

Sigurður sagði frá hugmyndavinnu sem fram fór hjá Skautafélagi Akureyrar nýverið. Haldinn var fundur eftir ákveðinni aðferðarfræði sem Kristín Gunnarsdóttir hjá Símei stjórnaði. Hún gekk í stuttu máli út að að 20 manns var skipt í 4 hópa. Mikilvægar spurningar s.s. um aukningu iðkendafjölda, minnkun brottfalls, meiri samvinnu og betri rekstur Skautahallarinnar voru lagðar fyrir hópana. Fyrst skrifaði hver og einn svör en síðan sameinast hver hópur fyrir sig um einhver 4 megin svör við hverri spurningu, sem hópurinn síðan kynnrir. Allar hugmyndir voru skráðar þó næðu ekki alla leið í kynningu. Þetta gaf einföld svör og skýra sýn sem t.d. ný stjórn getur stuðst við og fullt af góðum hugmyndum. Þetta hafði jákvæð áhrif og bundnar eru vonir við að allir sem starfa fyrir félagið vinni að sama markmiði. Sigurður sagði eitt hafa vakið athygli að gegnumgangandi kom fram að félagsaðstaða þarf að vera góð bæði fyrir iðkendur sem og aðstandendur, áhorfendur og félagsmenn.

Haukur þakkaði Sigurði fyrir þessar góðu ábendingar og mæltist til að félögin nýttu sér þessa hugmynd.

4. Hreyfidagur í ágúst

Stefán B. Birgisson og María Stefánsdóttir kynntu fyrirætlanir að íþrótta- og leikjahátíð sem hluta af dagskrár Akureyrarvöku í ágúst nk. Þau óskuðu eftir samvinnu aðildafélaganna 22ja sem væru með 38 íþróttagreinar innan sinna vébanda. Þau sögðu æskilegt að öll félögin tækju þátt og kynntu sína starfsemi bæði í Íþróttahöllinni og einnig í húsunum á laugardeginum. Stefnt væri að því að vera með fyrirlesara frá ÍSÍ, um málefni tengt íþróttum og einnig að veitingahús og verslanir væru með heilsutengt til sölu og sportvörurverslanir með tilboð. Þau buðust til að mæta á fundi hjá stjórnnum félaganna og kynna málið.

Stefáni var þakkað fyrir kynninguna.

4. Landsmót í júlí

Landsmót UMFA verður haldið á Selfossi 4-7.júlí n.k. ÍBA var stíghæst síðast og á titil að verja en þátttaka er frekar dræm núna. Haukur sagði 15 ára og eldri geta tekið þátt í 22 greinum og 8 starfsíþróttum og hvatti til þátttöku. Fram kom að UFA, Draupnir og Þór (taekvando) hafa skráð þáttakendur og fleiri eru að vinna í málinu. Lokaskráning er 24.júní. Fram kom að ÍBA greiðir þáttökugjöld og kaupir jakka.

3. Önnur mál

Haukur kynnti nokkur mál sem hafa komið inn á borð stjórnar ÍBA.

Bréf sem hafði borist frá Ríkisskattstjóra og stjórn hvatti íþróttafélögin að huga að skilum skv. bréfinu s.s. á virðisaukaskattsgreiðslum og greiðslum til verktaka.

Íþróttaráð Akureyrarbæjar hefur hafið vinnu við langtímaáætlanagerð og óskað eftir þátttöku ÍBA og aðildafélaganna. Fram þurfa að koma hugmyndir um verkefni og stöðu, fyrirjáanlegar breytingar og æskilegar breytingar s.s. í starfsemi og húsnæðismálum.

Áhugi er fyrir og nauðsynlegt talið að skrifa íþróttasögu Akureyrarbæjar. Fjármögnun er óviss en verið er að vinna í að setja á stofn ritnefnd og setja verkefnið af stað.

Bréf barst frá ÍBR varðandi umsókn um aðild að Ungmennafélagi Íslands UMFÍ og óskað eftir að ÍBA og önnur bandalög sameinist um umsóknina. Einnig að hugmyndir eru uppi að stofna samband íþróttabandalaga ef innganga verður ekki samþykkt. Gunnar (UFA) lagði til að ÍBA standi fyrir kynningu á málinu og sagðist telja æskilegt að ÍBA fari í UMFÍ.

Haukur þakkaði fundarmönnum fyrir komuna og ítrekaði að alltaf komi fulltrúi frá félögunum á þessa fundi, þó að formaður komist ekki sjálfur.

Fundi var slitið kl. 19.55

Margrét Ólafsdóttir, ritari